

ქ.ქუთაისში შეზღუდული შესაძლებლობების მქონე პირების მხარდაჭერაზე ორიენტირებული პროექტების დაფინანსება/თანადაფინანსების ქვეპროგრამის ფარგლებში გამოცხადებული კონკურსის პროგრამა და პირობები

1.ქვეპროგრამის განმახორციელებელი:

ქ.ქუთაისის მუნიციპალიტეტის მერიის პირველადი სტრუქტურული ერთეული - სოციალურ საკითხთა სამსახური.

2.ქვეპროგრამის მიზანი:

ქვეპროგრამა ითვალისწინებს ქ.ქუთაისში რეგისტრირებული შეზღუდული შესაძლებლობის მქონე პირების განათლებასა და დასაქმებაზე ორიენტირებული პროექტების განხორციელებას. რაც ხელს შეუწყობს მათი შესაძლებლობების განვითარებას, რეალიზებას და მათ მიერ შემოსავლების გამოიმუშავებას. აღნიშნული ქვეპროგრამა საშუალებას აძლევს შეზღუდული შესაძლებლობების მქონე პირებს მოახდინონ საკუთარი შესაძლებლობების თვითრეალიზაცია, საზოგადოებრივ ცხოვრებაში ჩართულობა სხვებთან თანასწორ პირობებში.

პროგრამის განხორციელების შედეგად, შეზღუდული შესაძლებლობების მქონე პირები დასაქმების ხარჯზე შეიქმნიან/გაიუმჯობესებენ საარსებო მდგომარეობას, გაიზრდება მათი შემოსავალი. კვალიფიკაციის ამაღლების გზით ისინი შეძლებენ თავიანთი შესაძლებლობების განვითარებას, მათ რეალიზებას. ამისათვის შეექმნებათ ხელსაყრელი პირობები.

3.კონკურსის ჩატარების პირობები და მოთხოვნები

3.1. კონკურსში მონაწილეობა შეუძლია ქალაქ ქუთაისში რეგისტრირებულ პირებს 18 წლიდან და ქალაქ ქუთაისის ტერიტორიაზე მოქმედ შეზღუდული შესაძლებლობების მქონე პირების საჭიროებებზე მომუშავე არასამთავრობო ორგანიზაციებს, რომლებიც უნდა აკმაყოფილებდნენ შემდეგ კრიტერიუმებს:

- საკონკურსო პროგრამის სამიზნე ჯგუფებთან (შეზღუდული შესაძლებლობების მქონე პირებთან) მუშაობის გამოცდილება;
- პროექტის განხორციელებისთვის საჭირო ადამიანური და მატერიალური რესურსის ქონა;
- პროექტის მართვის უნარი.

3.2.საკონკურსო განაცხადების მიღება წარმოებს ქალაქ ქუთაისის მუნიციპალიტეტის მერიის პირველადი სტრუქტურული ერთეულის სოციალურ საკითხთა სამსახურის უფროსის სახელზე.

3.3.კონკურსში მონაწილეს შეუძლია შეავსოს მხოლოდ ერთი განაცხადი.

3.4.საპროექტო განაცხადი შევსებული უნდა იყოს საკონკურსო პროექტის განაცხადის ფორმის მიხედვით /დანართი N3 და დანართი N 4/ შესაბამისად და თან ერთვოდეს საჭირო დოკუმენტაციას.

3.5.საკონკურსო განაცხადი მიღებული უნდა იყოს მიღებისთვის დადგენილ ვადაში.

3.6 საკვალიფიკაციო მოთხოვნებთან შეუსაბამობის შემთხვევაში, კომისია იღებს გადაწყვეტილებას განაცხადის განუხილველად დატოვების შესახებ, ხოლო საკვალიფიკაციო მოთხოვნებთან შესაბამისობის შემთხვევაში, კომისია იწყებს საკონკურსო განაცხადების შერჩევას პრიორიტეტულობის კრიტერიუმების მიხედვით და შემდეგ მათ დეტალურ შეფასებას და შემოწმებას.

3.7 შესაძლებელია კოალიციური ერთი ან რამდენიმე ფიზიკური პირის (მათ შორის შეზღუდული შესაძლებლობის მქონე პირის არასამთავრობო ორგანიზაციების) მიერ წარმოდგენილი პროექტების განხილვა.

3.8 წარმოდგენილი თითოეული პროექტის დაფინანსების ზღვრული ოდენობა შეადგენს **10 000** (ათი ათასი) ლარს.

3.9 აუცილებელია წარმოდგენილი პროექტის მთლიანი ღირებულების თანადაფინანსება პრეტენდენტის მხრიდან იყოს არანაკლებ 10%-სა.

3.10 პრიორიტეტი მიენიჭება ისეთ პროექტებს, რომელთაც თან ახლავს: მინი კვლევა, რომელიც ასახავს საკონკურსო პროექტის საჭიროებას.

3.11 სავალდებულოა პროექტის ფარგლებში შრომის ანაზღაურების ხარჯების დაფინანსებისათვის გამოყოფილი თანხები იყოს პროექტის ღირებულების არაუმეტეს 30% ფარგლებში.

3.12 არ განიხილება დაგვიანებით შემოსული საკონკურსო პროექტები.

3.13 გადაწყვეტილების მიღებისას, თანხმობის შემთხვევაში უპირატესობა მიენიჭება სოციალურად დაუცველი ოჯახების მონაცემთა ერთიან ბაზაში 120 000-მდე სარეიტინგო ქულის მქონე პირებს და ორგანიზაციებს, რომლებიც პირველად იღებენ პროგრამაში მონაწილეობას.

3.14 პროექტი უნდა დაიწყოს არაუადრეს 1 ივნისიდან და დასრულდეს 2023 წლის 20 დეკემბრამდე.

4. კონკურსის ჩატარების ვადები

4.1. დაინტერესებულმა არასამთავრობო ორგანიზაციებმა ან/და ფიზიკურმა პირებმა საკონკურსო განაცხადი უნდა წარმოადგინონ 2023 წლის 20 მარტის 18:00 საათამდე. ქ.ქუთაისის მუნიციპალიტეტის მერიაში ან სოციალურ საკითხთა სამსახურში (მის: ნ.დუმბაძის ქ. N61) მატერიალურად და CD დისკით. ასევე, შესაძლებელია ელექტრონულ ფოსტაზე sockutaisi@gmail.com.

4.2 კონკურსი ცხადდება „შშმ პირთა მხარდაჭერაზე ორიენტირებული პროექტების დაფინანსება/ თანადაფინანსების“ ქვეპროგრამაში განსაზღვრული თანხის ამოწურვამდე.

5. კონკურსში მონაწილეობის მისაღებად საჭირო დოკუმენტების ნუსხა

5.1. პროექტის განაცხადი ხელმოწერილი და ბეჭედდასმული (ბეჭდის არსებობის შემთხვევაში) ერთი ეგზემპლარი, ბეჭდური სახით და ასევე ელექტრონული ვერსია /დანართი N3 და დანართი N4/ შესაბამისად.

5.2. უახლესი ამონაწერი მეწარმეთა და არასამეწარმეო (არაკომერციული) იურიდიული პირების რეესტრიდან. (იურიდიული პირებისათვის).

5.3. ცნობა შესაბამისი საგადასახადო ორგანოდან ბიუჯეტის მიმართ დავალიანების არარსებობის შესახებ.

5.4. პირადობის დამადასტურებელი მოწმობის ასლი და CV - განმცხადებელი ფიზიკური პირის შემთხვევაში.

5.5. სავალდებულოა ფიზიკური პირი განაცხადის შემოტანის დროს არ იმეზნებოდეს მოვალეთა რეესტრში.

5.6. იმ შემთხვევაში, თუ პროექტის ფარგლებში იგეგმება სახელმწიფო/არასახელმწიფო ინსტიტუტებთან ან/და მედია და დონორი ორგანიზაციების წარმომადგენლებთან თანამშრომლობა, ამ ორგანიზაციების თანხმობის წერილი.

5.7. ამონაწერი სოციალურად დაუცველი ოჯახების მონაცემთა ერთიანი ბაზიდან ასეთის არსებობის შემთხვევაში.

5.8. თანადაფინანსების შემთხვევაში - დამადასტურებელი დოკუმენტი.

5.9. პირის/ორგანიზაციის საბანკო რეკვიზიტები.

6. კონკურსის ეტაპები

კონკურსი მოიცავს შემდეგ ეტაპებს:

- 1 - საკონკურსო განაცხადების მიღება
- 2 - საკონკურსო განაცხადების გადარჩევა /მოთხოვნების შესაბამისობის დადგენა/
- 3 - პროექტების განხილვა და გამარჯვებული პროექტის გამოვლენა

7. შეფასებისა და შერჩევის პროცესი

7.1 საკონკურსო განაცხადების შერჩევის ობიექტური და მიუკერძოებელი პროცესის უზრუნველყოფის მიზნით, წარმოდგენილი საკონკურსო განაცხადები განიხილება საკონკურსო კომისიის მიერ. დაფინანსება/თანადაფინანსების გაცემის თაობაზე, საბოლოო გადაწყვეტილებას კომისიის წევრების მიერ ხელმოწერილი დასკვნის /ოქმი/ საფუძველზე მიიღებს ქ.ქუთაისის მუნიციპალიტეტის მერი.

7.2 კომისიის წევრები განიხილავენ წარმოდგენილ განაცხადებს. საკონკურსო განაცხადთან შესაბამისობის განსაზღვრის მიზნით

7.3 საკონკურსო კომისია განაცხადების განხილვასა და შეფასებას უზრუნველყოფს დადგენილ ვადაში.

7.4 შეფასება განხორციელდება ქვემოთ ჩამოთვლილი კრიტერიუმების მიხედვით, /დანართი N7/ კომისია არ შეაფასებს განაცხადს დოკუმენტების არასრულად წარმოდგენის შემთხვევაში.

N	შეფასების კრიტერიუმი	ქულა
1	პროექტის ინოვაციურობა, კრეატიულობა და რელევანტურობა-რამდენად პასუხობს პროექტი მიზნებს.	20
2	ორგანიზაციის/კონკურსანტის გამოცდილება	20
3	პროექტის დასაბუთება, პროექტის მდგრადობა, განვითარების პერსპექტივა და შედეგის ეფექტიანობა;	20
4	ბიუჯეტი, ხარჯთეფექტიანობა და შესაბამისობა დაგეგმილ აქტივობებთან და მიზნებთან.	20
5	პროექტის ფარგლებში დასაქმებულთა რაოდენობა	20

სულ

100 ქულა

გამარჯვებულად გამოცხადდება პროექტი, რომელმაც დააგროვა ქულათა მაქსიმალური რაოდენობა, მაგრამ არაუმეტეს საერთო ქულათა 60% /საბოლოო ჯამში ფინანსდება საუკეთესო შედეგების მქონე პროექტები „შშმ პირთა მხარდაჭერაზე ორიენტირებული პროექტების დაფინანსება/ თანადაფინანსების“ ქვეპროგრამაში განსაზღვრული თანხის ამოწურვამდე.

8. გადაწყვეტილების შეტყობინება

8.1 ყველა კონკურსანტს, კონკურსში მიღებული შედეგების შესახებ ეცნობება სოციალურ საკითხთა სამსახურის მიერ წერილობით. საკონკურსო კომისიის მიერ შესაბამისი გადაწყვეტილების მიღებიდან არაუგვიანეს 5 სამუშაო დღისა.

8.2 კონკურსის შედეგები საჯაროდ ქვეყნდება ე.ქუთაისის მუნიციპალიტეტის მერიის ოფიციალურ ვებ გვერდზე-
www.kutaisi.gov.ge

9. კონტროლი და ანგარიშგება

კონკურსის შედეგად გამარჯვებულად გამოვლენილი პროექტის ავტორი ქუთაისის ტერიტორიაზე მოქმედ შეზღუდული შესაძლებლობების მქონე პირების საჭიროებებზე მომუშავე არასამთავრობო ორგანიზაციების წარმომადგენლები ვალდებული არიან:

9.1 სოციალურ საკითხთა სამსახურში წარმოადგინონ პროექტის/პროექტების მიმდინარეობის შესახებ ყოველი ორი თვის შესრულებული სამუშაოს ანგარიში, /დანართი N5 და დანართი N6 შესაბამისად/ თანდართული დოკუმენტაციით.

9.2 პროექტის დასრულების შემდეგ მიღწეული შედეგების შესახებ ანგარიში წარუდგინონ ე.ქუთაისის მუნიციპალიტეტის მერიის შეზღუდული შესაძლებლობების მქონე პირთა უფლებების დაცვისა და ინტეგრაციის საბჭოს.

10. მნიშვნელოვანი თარიღები:

კონკურსის გამოცხადება

2023 წლის 1 მაისი

საკონკურსო განაცხადის წარდგენის ბოლო ვადა

2023 წლის 15 მაისი

საკონკურსო განაცხადის შეფასება

2023 წლის 31 მაისამდე